

眉山唐先生文集

屠山先生文集

四部叢刊三編

眉山唐先生文集

(87200.1)

中華民國二十五年三月初版

本書實價國幣肆元捌角

外埠酌加運費匯費

發行人

王

上海

雲

河南

五

印刷所

商

上海

印

河南

館

發行所

商

上海

印

及各

書館



眉山唐先生文集卷二十七目

唐庚 子西

啓

謝陳使君啓

荅鮮元謝啓

謝及第啓

荅通判趙承議啓

雜文

送苗師顏序

唐先生文集卷二十一
上錢憲雜文序

李生方書序

送正觀復序

鄭默字序

上任德翁序

招隱辭

眉山唐先生文集卷二十七



眉山唐庚子西

啟

謝陳使君啟

剖封七邑歲薦二人首及庸虛良深感愧
伏念△備負百里至是再期因其俗之所
安豈能易俗齊以刑而未肅矧敢去刑惟
其守拙以無他所以見稱于不擾本來事
簡非聽斷之無留適值歲豐致賦輸之僅

唐先生文集 卷二十一
集以何功效致此品題此蓋伏遇某官以
鄉先生為郡刺史土地民政得諸侯之室
三敬義思恭有君子之道四憫憐稚魯權
錄羈單所學背時雖不侔于杓鑿此身末
世或有望于桑榆論報殊私當期後日

荅鮮元謝啟

篆刻舊人望經郭而未見眩昏老眼豈文
鑒之能精偶為國以得賢則因人而成事
尚期勉勵前膺縻爵之榮益使衰遲坐獲

知人之譽百函拜賜十襲藏珍

謝及第啟

射策楓宸已甘退黜第名桂籍尚獲采收
叨被寵榮惟知感慨切以文章君子之餘
事忠義天下之大閑國之休戚不係于文
章士之進退莫先于忠義方

天子臨軒而策士豈徒求搗搯之華而諸
儒充賦以在庭蓋亦取切時之論欲考終
身之節必覲筮仕之初宜有讜言少裨睿

唐先生文集卷之二十一
聽如△者少不好李老方讀書左右圖史
者十年涉獵經傳者萬卷壯心浸癖竇性
成痴雖古今成敗之原粗知其畧而篆刻
雕虫之學本非所長妄意揀金謾來市璞
青天萬里堪嗟蜀道之難白雪一聲難和
郢中之曲笙竽異好水石難投自知與世
不諧幾欲拂衣而去因緣附驥僥倖化腸
入瞻天日之光親奉絲綸之詔周詢要務
冀獲至言願為學之荒踈愧乎無補若與

時而高下誠所不為姑盡節以慘々寧抱
關而碌々夫何獻白亦預拾青茲蓋伏遇
某官匠石群材鈞鎔衆竅與人不求脩嘉
善矜不能苟有寸長未加尺退謂其辭雖
鄙訥論不將迎棄在邊庭必能裹尸于馬
革置之言論必碎首于龍墀薄示甄收
或堪器使敢不冰霜志搯金石肝腸獄訟
簿書豈辭勞于今日功名事業將有望于
他年庶免小人之歸永為國士之報

唐先生文集卷二十一
三
荅通判趙承議啟代

伏審寵膺睿渥榮佐郡符伏惟慶慰恭惟
其官宦路老成士流先達才能通敏學術
深醇評三尺之祥刑已資口案贊六條之
善治豈動心机曾稱慶之未遑遽貽音之
見及何承謙挹惟有銘藏

雜文

送苗師顏序

崇寧元年冬癸元軍士有怨其守費誅者

走益昌上变告誅叛益昌守得之惶惑夜
半遣吏馳出城趋興元捕反虜即日以事
聞傳檄郡國拘其親屬後旬日誅面縛至
并就逮者數十人悉首幪係獄窮治反狀
自冬迄夏累月無所得首梟不決朝廷疑
之遷其獄於鳳翔而天興宰苗君師顏實
領其事時二年六月也誅旣檻就道所至
發卒鳴鼓圍繞護送人皆意誅不能自白
而誅亦自度必死暨至岐下一問而得寔

八日而獄具訖無毫髮罪即日破械出之
告者用赦竄海外訖之出也感慨悲泣觀
者顧指欢呼道路喧傳一日萬口而師顏
之名遂滿天下吾嘗論訖之不死其所繫
豈小哉向使一夫流言二千石族誅以死
則士大夫必將姑息吏卒誰敢控制而使
令廝役皆得以脅制其主非
朝廷之明白師顏之俊偉則縉紳之禍豈
獨訖而已哉漢時治獄必取通經術知古

誼者不可謂無意也後二年予官鳳翔師
顏為治中得從之將每服其為人而興元
之事昔常欲作傳而未果于其歸也因以
為之序

上錢憲雜文序

憲使錢公按益昌命公獻其所為文意將
有以教之也承命欣躍退求平生所業而
多難淪失存者無幾其間復有俳諧者放蕩
者觸時忌者不近道者妄論天下利害非

所當言者文多不足錄者為故紙糊窓首
尾訛缺莫可考者率皆削去得古賦一首
漢漂母碑一首竹軒記一首古樂府二首
近体詩一十九首并序為二十五首以獻
噫士之自鬻非古也惟人不能自鬻以取
困于時然亦以此得出于門下而公亦信
其決非自鬻者庶幾可以受教而無嫌焉
謹序

李生方書序

周官砮簇氏掌覆矢鳥之巢庭氏掌射國中之矢鳥吾少時讀書至此未嘗不竊笑以為不急之務也後讀聖惠方言有鳥夜飛謂之無辜小兒衣服遭之輒以感疾因以無辜名之狀如五疳吾以是知矢鳥之害有如此者非獨如鄭氏所謂鶚鵬之類而昔人所以力去者亦自有旨非獨如鄭氏所謂國中潔清而已夫砮簇氏庭氏之所去者雖不專指無辜而無辜之出于斯

時者亦無所容其跡雖未必能盡誅要當
駁而出之于九州四海之外而不得以為
害斯周公所建置果不可謂不切于事也
周道衰二官之職廢物之神奸遂得以滋
息亟養于天地之內數千百年愈久而愈
不可去故天鳥之巢徃々有之而世終莫
之識雖識亦莫如之何當此之時李生以
善医無辜專門名家于秦隴間其功利豈
少哉生出論數十篇示余而求文以為序